



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita B. P. Ignatii Qui Religionem Clericorum Societatis lesv instituit

Ribadeneyra, Pedro de

Ipris Flandrorum, 1612

5. Hierosolyma in Hispaniam reuertit, multisque eripitur periculis.

urn:nbn:de:hbz:466:1-45048

Franciscanae familiae Patres, & Christianus ab iis ad hominem perquirendum missus, acriter eum increparent, solitam tamen animi tranquillitatem retinuit, quod Christum presentem & ad portam usque coenobij praeeuntem cerneret; quo viso, supra modum recreatus omnem cum gaudio molestiam superabat.

CAPVT. V.

Hierosolyma in Hispaniam reuertit, multisque eripitur periculis.

CVM autem peregrinus hic noſter Hierosolymis in Italiam reuertetur, vt adulta hyeme, omnia glacie niuibusque concreuerant. Interim linea dumtaxat veste concisoque ad humeros thorace & tunica breuiore semiamictus, calceis pedibus indutis, cruribus nudis incedebat. Cum tres porro in insula Cypro naues offendisset vesificari paratas, vnam Turcarum, Venetorum alteram, firmam illam omnibusque rebus egregie instructam; tertiam modicam, male coagmentatam

mentatam & vetustate cariosam. In hanc conscendit Ignatius, propterea quòd nauarchus Venetæ navis cum propter egestatem repudiasset, addidissetque contumeliosè facetus: Si sanctitas eius hominum prædicationi responderet, calcaret pedibus freta si vellet, nihil esse metuendum, nullum vitæ discrimen aditurum. Tres igitur illæ, secundo quidem vento simul soluerūt, sed præcipitante iam die coorta est atrox & sæua tempestas, qua Turcica cum omnibus omnino vectoribus fluctibus hausta periit. Veneta in conspectu Cypri ad scopulum afflicta saluis tamen hominibus confracta est. Sola postrema, qua seruus Dei traieciabatur, anno CIO. IO. XXIIII. medio Ianuario Venetias incolumis tenuit. Hic paucis diebus cum restitisset, viæ se rursus commisit vt in Hispaniam remigaret, quindecim sexdecimue tantum nummis argenteis liberalitate cuiusdam donatus, pannique frusto ad fouendum stomachum nuditate & furoris asperitate languentem. Quo in itinere Ferrariam cum diuertisset,

Redit
in Ita-
liam,
sola
qua ve-
heba-
tur
navis
salua-
tur,
alii
pere-
unti-
bus.

pecu-
niam
sibi
datam
erogat
paupe-
ribus,
ipse-
que
stipem
quæri-
tat.

In His-
pano-
rum,
Gallo-
rum-
que
statio-
nes in-
cidit.

facraque in æde supplex Deum oraret,
mendicis quibusdam manus ad stipem
porrigentibus largitus est quidquid
pecuniarum acceperat; indeque egres-
sus ostiatim ad cibum fragmenta panis
precario, suo more, quærere coepit.
mox Genuam profectus qua vel His-
panorum vel Gallorum præfidiis cun-
cta tenebantur (quos inter tota Gallia
cisalpina graue bellum exarserat) nec-
non ab Hispanis militibus compre-
hensus ut explorator male mulctatus,
& ut fatuus irrisus est atque contem-
tus; sed & pugnis & calcibus homi-
nem contuderunt, vehementer in me-
dia verberum acerbitate gaudentem.
Dimissus ab Hispanis in stationes
Gallorum incurrit, sed euentu dissi-
mili, humaniter quippe ab iis habitus,
tandem Genuam Deo duce peruenit:
inde periculoso & infesto pyratis mari
Barcinonem reuectus, ut qui portus
fuerat primus, idem esset eiusdem
nauigationis extremus.